

開放文學 – 歷代筆記 – 夷堅乙志 卷第七

畢令女 路時中·字當可·以符篆治鬼著名士大夫間·目曰路真官·常齋鬼公案自隨·建炎元年·自都城東下至靈壁縣·縣令畢造·已受代·機舟未發·聞路君至·來謁曰·家有仲女·為鬼所禍·前後迎道人法師治之·翻為所辱罵·至或遭極去者·今病益深·非真官不能救·願辱臨舟中一視之·路諾許·人舟坐定·病女徑起·著衣出拜·凝立於旁·略無病態·津津有喜色·曰·大姐得見真官·天與之幸·平生壹鬱不得吐·今見真官·敢一一陳之·大姐乃前來媽媽所生·二姐則今媽媽所生也·恃母鍾愛·每事相陵侮·頃居京師·有人來議婚事垂就·唯須金釵一雙·二姐執不與·竟不成昏·心執執以死·死後冥司以命未盡·不復拘錄·魂魄漂搖·無所歸·遇·九天玄女出遊·憐其枉·授以秘法·法欲成·又為二姐壞了·大姐不幸·生死為此妹所困·今須與之俱逝·以償至冤·且以謝九天玄女也·真官但當為人治祟·有冤欲報·勢不可已·願真官勿復言·路君沉思良久·曰·其詞強·願畢令曰·君當自以善力禱謝之·法不可治也·女忽仆地·掖起之·復困憊如初·蓋出拜者乃二姐之身·而其言則大姐之言也·死已數年矣·明日·二姐殂·路君來弔·其父曰·昨日之事·曲折吾所不曉·而玄女授法·乃死後事·二姐何以得壞之·君家必有影響·幸無隱·在我法中·當洞知其本末·畢令曰·向固有一異事·今而思之·必此也·長女既亡·敢於京城外僧寺·當寒食掃祭·舉家盡往·殿室之側·有土人居焉·出而扃其戶·家人偶啟封·入房窺觀·仲女見案上銅鏡·呼曰·此大姐柩中物·何以在此·必劫也·吾以為物有相類·且京師貨此者甚多·仲女力爭曰·方買鏡時·姊妹各得其一·繫結瀨緣·皆出我手·所用紙·某官謁刺也視之信然·方嗟歎而土人歸·怒曰·貧士寓舍·有何可觀·不告而入·何理也·仲女曰·汝發墓取物·奸賊具在·吾來擒盜耳·遂縛之·土人乃言半年前夜坐讀書·有女子扣戶·曰·為阿姑譴怒·逐使歸父母家·家在城中·無從可還·願見容一夕·泣訴甚切·不獲已納之·繾綣情通·自是每夕必至·或白晝亦來·一日方臨水掠鬢·女見而笑曰·無鏡耶·我適有之·遂取以相餉·即此物也·時時攜衣服去補治·獨不肯說為誰家人·昨日見語曰·明日我家與親賓聚會·須相周旋·不得到君所·後夜當復來·遂去·今晨獨處無怙·故散步野外以遣日·不虞君之涉吾地也·吾家聞之皆悲泣·獨仲女曰·此郎固妄言·必發驗乃可·走往殯所蹤跡之·其後有罅可容手·啟磚見棺·大釘皆拔起寸餘·及撤蓋板·則長女正疊足坐·縫男子頭巾·自腰以下肉皆新生·膚理溫軟·腰以上猶是枯脂·始悔恨·復掩之·釋土人使去·自是及今·蓋三年餘矣·所謂玄女之說·豈非道家所謂回骸起死·必得生人與久處便可復活邪·事既彰露·不可復續·而白髮其事·皆出仲女·所謂壞其法者豈此邪·路君亦為之驚吒·道出山陽·以語郭同升·升之子汭說·造字以道·

西內骨灰獄

政和四年·有旨修西內·命京西轉運司董某役·轉運使王某坐科擾·為河南尹蔡安持劾罷·起徽猷閣待制宋君於服中·以為都轉運使·免判常程文書·專以修宮室為職·宋銳於立事·數以語督同列曰·速成之·釐賞可立得也·轉運判官孫贖·獨以役大不可成·戲答曰·公聞狐媚虎之說乎·狐有女·擇婿得虎焉·成禮之夕·僮者祝之曰·願早生五男二女·狐拱立曰·五男二女非敢望·但早放卻豚命為幸耳·今日之事·正類此也·宋不樂·既即引疾罷去·凡宮城廣袤十六里·創立御廊四百四十間·殿宇丹漆之飾猥多·率以趣辦·需牛骨和灰·不能給·洛城外二十里·有千人塚數十丘·乾官韓生獻計曰·是皆無主朽骨·發而焚之·其骨不可勝用矣·自王漕時已用此·宋然之·管乾官成州刺史郭璉容·佐使臣彭玘·十餘人·皆幸集事·舉無異詞·宋以功除顯謨閣學士·召為殿中監而卒·宣和中·孫贖病死·至泰山府·外門榜曰清夷之門·獄吏控以人·令供滅族狀·孫曰·我何罪·殿上厲聲曰·發洛陽古塚以幸賞·乃汝也·安得諱·孫請與諸人對·望兩囚荷鐵校立廡下·各有一卒持鐵扇障其面·時時揮之·扇上皆施釘·血流被體·引至前·乃宋王二君也·猶與相撐拄·孫歷舉狐虎之說·及所以去官狀·廷下人皆大笑·兩人屈服去·孫復甦·他日韓生亦夢如孫所見者供狀畢·將引退·仰而言曰·某罪不勝誅·但先祖魏公有大勳勞於宗社·不應坐一孫而赤族·主者凝思良久曰·只供滅房·狀乃知之·自是數月死·不一歲妻子皆盡·今唯取同宗之子以繼雲·予聞此事於臨川人吳虎臣曾吳得之韓子蒼·予以國史院簡策參之·得其歲月官職如此·邵武李鬱光祖雲·有朝士亦以是役進秩·後居鄧州·得異疾·疽生於臀·長寸許·中有骨焉·不可坐臥·醫以藥乾之·久而墜地·拳曲如小豬尾·數日又如故·復以前法治之·如是歲餘·凡落三十六節·乃死·王日嚴雲·宋君初與官屬議·或以為不便·宋入宅思之·必欲行·自批一紙出付司·孔目官某·慮異時為人所訟·以所批黏入牘中·後數年·冥府攝對獄·見牛頭卒引一人從烈燄出·乃宋也·孔目訴曰·事皆由待制·手筆尚存·王者敕一卒往取·頃刻即至·以示宋·宋引伏·孔目者乃得歸·明日詣曹閱故牘·首尾千百番皆在·獨失宋批矣·遂以病自列·去吏歸·而棄家為苦行道者·

汀州山魃

汀州多山魃·其居郡治者為七姑子·倅廳後有皂萊樹極大·乾分為三·正蔽堂屋·亦有物居之·陳吉老為通判·女已嫁矣·與婿皆來·夜半女在床外睡·覺有撼其幾者·頗懼·移身入裡間·則如人登焉·席薦皆震動·夫妻連聲呼有賊·吉老遽起·與長子錄曹者偕往·無所見·託曰·公廨守衛嚴·賊安得至·若鬼也·爭敢爾·老兵馬吉·方宿直·命詣廚溫酒·廚與堂接屋·馬吉方及門·失聲大叫·錄曹素有膽氣·自篝火視之·吉僕絕於地·涎液縱橫·灌以良藥·久之始能言·曰·一黑漢模糊長大·出屋直來壓已·不知所以然·吉老猶不信·錄曹見白衣人長七尺·自廚出趨堂·開門而出·真以為盜·急逐之·而堂門元閉自若也·啟之·又見其物開廳門去·復逐之·亦閉如故·洎至廳上·白衣徑奏東箱卒伍持更處·一卒即驚魘·眾救之已絕矣·後數年·趙子璋為倅攝郡·時屬邑寇作·江西大將程師回·自贛上來逐捕·將班師·小休倅廳·出所攜二妾與趙飲·正行酒·有小妾長才二尺許·褐衫素裙·緩步且前·程迎擊以杖·乃一貓躍出·衣服皆委地·子璋子伯禔·隨父之官·馬吉者猶在·聞其說如此·伯禔說·

黃蓮山伽藍

韶州樂昌縣黃蓮山寺·為一邑勝處·建炎二年冬·郡守延臨江靜師往主法席·寺伽藍神素著靈異·邑人祈賽·必殺牲醢酒·既則飲酒乃歸·師始至·與神約曰·神受佛囑付·守護伽藍·不應當此供·自今日以往·更具淨饗·神其聽之·由是人無敢以酒肉入山門者·明年十一月晦·有檀越營佛事畢·欲飲酒·三僕舁一缸由東廂過神祠前·一犬不知從何來·突出正與缸相值·應時破碎·無復餘瀝·見者莫不歎異·郊次南說·

寧都吏僕

贛州寧都縣吏李某·督租近村·以一僕自隨·僕乞錢於浦戶·不滿志·縛諸桑上·灌以糞·得千錢·即日雲雷四起·斃僕於村中普安寺前·錢正在腰間·打四百文入肉中·皮蒙其上·紹興十四年三月也·縣是時曰虔化雲·寺僧祖一說·

杜三不孝

洪州崇真坊北有大井民杜三·汲水賣之·夏日則貨蚊藥以自給·與母及一弟同居·弟傭於餅家·唯兄以兩飯養母·然特醜酒·小不如意·至於辱詈加捶·鄰曲見者皆扼腕·導其母使訟·未及也·一旦大醉歸·復毆母·俄忽忽如狂·取所合蚊藥內砒霜硫黃搗服之·走入市·從其徒求水飲·市人以為醉·不知藥毒已發矣·頃刻而死·其不孝之報歟·

布張家

邢州富人張翁·本以接小商布貨為業·一夕閉茶肆訖·聞外有人呻痛聲·出視之·乃晝日市曹所杖殺死囚也·曰·氣絕復甦·得水尚可活·恐為邏者所見·則復死矣·張即牽入門·徐解縛·扶置臥榻上·設薦席令睡·與其妻謹視之·飼以粥餌·雖子婦弗及知·經兩月·癢瘡皆平能行·張與路費·天未曉·親送之出城·亦未嘗問其鄉里姓名也·過十年久·有大客乘馬從徒·齎布五千疋入市·大駟爭迎之·客曰·張牙人在乎·吾欲令貨·眾嗤笑·為呼張來·張辭曰·家貨所有·不滿數萬錢·此大交易·願別擇豪長

者·客曰·吾固欲煩翁·但訪好鋪戶賒與之·以契約授我·待我還鄉·復來索錢未晚·張勉如其言·居數日·客謂翁可具酒飲我·勿招他賓·既至·邀其妻共飲·酒酣起曰·翁識我否·乃十年前床下所養人也·平生為寇劫·往來十餘郡·未嘗敗·獨至邢·一出而獲·荷翁再生之恩·既出門·即指天自誓雲·今日以往·不復殺人·但得一主好錢·持報張翁·更不作賊·才上太行·便遇一人獨行·劫之正得千餘緡·遂作賈客販賣·今於晉絳間有田宅·專以此布來償翁媪恩·元約復授翁·可悉取錢營生產業·吾不復來矣·拜訣而去·張氏因此起富·貲至十千萬·邢人呼為布張家·三事亦得之·邾次南·

何丞相

何文績丞相在太學·與同舍生黃君·詣日者孫黯問命·黯袒衣踞坐·丞相先占·既布算·黯正襟揖曰·命極貴·不惟魁天下·且位極人臣·二人相視笑·曰·何相侮邪·黯慍曰·黯老矣·粗有生計·今詔一秀才·其獲幾何·奈何命實中格·丞相曰·然則何時作狀元·曰·乙未歲·何年為相·曰·不出一紀·但有一事絕異·君拜相後·當死於異國·尋常奉使絕域者·不過侍從官·何由有宰相入國者·此為不可曉耳·初丞相自仙井來·時過桐柏·於廟中上書乞夢·其夕夢人報霍侍郎來見何狀元·遂出相見·霍曰·將來殿策問道·及至京又求夢於二相公廟·夢人告如霍所言·既覺·試作策頭數百字·以示黃君·黃以為不佳·丞相時為鄧洵武樞相館客·又夢一人報霍侍郎來·既坐·霍曰·君昨擬道策甚謬·上所解道德經·更三日以賜二府·君當首見之·宜熟讀也·如期鄧公果拜賜·即錄本·晨夕誦讀·乙未歲廷試果問道·悉以經語對·遂為第一人·後十二年·至靖康丙午·拜少宰·從二帝北狩·死於虜·皆如黯言·霍公蓋先兩榜為龍首者·

天心法

李士美丞相長子衡老·初學天心正法時·飲食坐起·未嘗不持攝·寓居桂林·夜如廁·見燈盞出於外·心已怪之·復取置中間·俄又在外·已則登其上·既而益高·盞正覆而油不傾·旋轉滿室·將及頭上·衡老方踞廁·勢不可施法·怖懼大呼而出·自是不敢輕習行·或云初行符篆·非鬼物所樂·故多設怪以恐試之爾·嘉叟說·

虞並甫奏章

虞並甫·侍其父漕潼川·以父病齋戒浹日·命道士劉泠然·奏章請命·劉素以精確著名·自子夜登壇伏·遲明方興·言曰·適之帝所·見幾上書章內兩句雲·乞減臣之年·增父之算·帝指示吾曰·虞允文至孝·可與執政·而不言從其請·已而父竟卒·後十有八年·並甫參大政·宇文仔說·

孫尚書僕